

靈寶無量度人上品妙經卷之四十

黃十

靈寶無量度人上品妙經卷之四十

黃十

北都除殃品

道言昔於紫元天中流雲飄歌太玄光土受
元始度人北都除殃無量上品元始天尊當
說是經周迴十過以召十方始當詣座天真
大神上聖高尊妙行真人北都大帝羅酆羣
真北方斗牛女虛危室壁七宿星君北斗司
命北都司察官曹掾吏北都飛騎立斗大神
北都黑甲五氣魁吏溟泠大神北都九醜捉
殺五天元帥除殃神王無鞅數衆乘空而來

蒼霞紫瑇之輿鑿壁山雲之輦碧蓋垂蔭玄
精玉光海色鬱凝洞煥太空七日七夜諸天
層輪止虛辰緯停度龍山息鼓玉璣不行神
風靜籟嶽雲散影天德高清坤維靜粹一國
地土山川林木緬平一等無復高下土皆作

黃十

碧玉無有異色衆真侍座元始天尊玄坐空
浮六明純耀九宮混氣瓊山寶牀之上說經
一遍諸天大聖同時稱善是時一國男女以
念道力故豁然心開明悟下世生民先因積
業罪報不停結覺羅艷若非聞經殃不可除

說經二遍觀見元始身有慧光照徹十方猶
如朝日北都三官上下六洞九幽無間冤仇
和釋五苦停酸說經三遍法音清妙普聞十
方證悟天人具無漏相說經四遍凡類衆生
忘怨毒心陰相謀害變為法侶說經五遍殃
注之苦三災之難沉瘵屍疰一時解脫歡喜
更生說經六遍種民真學息鎮太无正念通
虛神朝上境說經七遍國永太平尊道貴生
無私無欲民不夭傷說經八遍諸天稱慶北
都除殃和順運誠獲見真理說經九遍天流

彩雲地錄神芝說經十遍大帝遙臨來證說
法天人讚歎聲徹九清是時一國是男是女
莫不傾心皆受護度咸得長生

道言是時元始天尊說經一遍東方無極無
量品北都除殃大神無鞅之衆浮空而至說

黃十

二

經二遍南方無極無量品北都除殃大神無
鞅之衆浮空而至說經三遍西方無極無量
品北都除殃大神無鞅之衆浮空而至說經
四遍北方無極無量品北都除殃大神無鞅
之衆浮空而至說經五遍東北無極無量品

北都除殃大神無鞅之衆浮空而至說經六
遍東南無極無量品北都除殃大神無鞅之
衆浮空而至說經七遍西南無極無量品北
都除殃大神無鞅之衆浮空而至說經八遍
西北無極無量品北都除殃大神無鞅之衆
浮空而至說經九遍上方無極無量品北都
除殃大神無鞅之衆浮空而至說經十遍下
方無極無量品北都除殃大神無鞅之衆浮
空而至十遍周竟十方無極除殃大神一時
同至一國男女傾心歸仰同悟無爲方知一

心造此多業愚民無知動干罪殃失忠孝之
行懷陰賊之謀貪冒狠愎淫殺敗真妬害賢
良犯禁玄科魂歸北都身謝三官受苦億劫
無有休停乃至得生災病纏留萬無一善不
知罪積致此受殃若不誦詠真文祈告北都

黃十

三

醮謝七宿則殃不可除願聽元始明顯北都
除殃之法來者有如細雨密霧無鞅之衆迨
國一半土皆偏陷非可禁止於是元始宣示
十方天人曰北都羅酆中有大帝六洞山城
十二小洞三官九府百二十曹一十六獄二

十四獄三十六獄八十一獄百二十獄如是
大獄北都寒池遠在下方東北癸地大海之
內有豐都羅山名曰北都天尊陰真鬼帝所
理故號豐都豐爲城名羅爲山名都爲聚處
去此天境下觀非遙山高三十六萬里山根
入水三十六萬里宮闕樓觀貴擬諸天其間
考對罪魂長夜不息悲苦之聲充震天地此
大山之上干於斗牛七宿每宿之氣下貫都
城此爲北斗陰神制轄北都中有大帝玄滋
天君黑帝尊神身長千尺服玄龍之衣圓冠

方履乘駕九龍無極之輿丞相官屬萬億鬼神惟此鬼神實與人等並皆胎生其身自然通靈變化譬如龍蛇毒獸並是胎卵所生變化大小神化不測北都鬼神悉亦如之無量之衆還來人間與人婚宦商販生業一與人

同皆是大帝密遣伺察生人衆生不能制戒心性肆造惡業不忠不孝不義不仁一一疏記奏上北都北都神王以日計時簡奏大帝帝敕惟允則使世人命爲不遂運會凶殃一切橫夭皆自所招萬死萬生不可解脫我以

哀憫普為救護敕使北都除殃滅禍且北都
有諸大神一切衆生投詞叩請嚴醮築壇敷
露真文誓天自悔則殃禍立除身壽安永諸
大神者北都神王北都鬼相北都陰斗左司
命主生諱閣陰斗右司命主死諱闔北都左
黃十
司命主生死罪錄諱灌生北都右司命主一
切殃罰諱啓成北都左司察主考定功過諱
闔北都右司非主治獄典錄諱關已上諸大
神乃主行殃禍特能除之奏章懇禱大殃積
負頓可除釋汝其受之大衆伏地再拜稽首

謹當奉行

元始說經都竟衆真監度以授於我當此之時喜慶難言法事粗悉諸天復位條欵之間寂無遺響是時天人遇值經法普得濟度全其本年無有禍殃傾土歸仰咸行善心不殺不害不嫉不妬不淫不盜不貪不欲不憎不妬言無華綺口無惡聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是北都大帝

內名隱韻之音亦是北王內諱百神之隱名也非世之常辭上聖已成真人通玄究微能悉其章誦之十過諸天遙唱萬帝設禮陰爽代釋殃苦消除福感自然祥應昭顯羣魔束形鬼精滅爽迴屍起死白骨成人至學之士

黃十

五

誦之十過則北真竦聞陰官稽首魔精喪眼鬼殃截源濟度垂死絕而得生所以爾者學士穢氣未消體未洞真以制十方威未制天政德可伏御地祇束縛魔靈但除殃而已不能更生輕誦此章身則被殃供養尊禮門戶

興隆世世昌熾與善因緣萬災不干神明護
門斯經尊妙獨步玉京度人無量為萬道之
宗巍巍大範德難可勝

道言凡誦是經十過北君齊到億曾萬祖幽
魂苦爽殃注斷絕皆即受度上昇朱宮格皆

九年受化更生得為貴人而好學至經功滿
德就皆得神仙飛昇金闕遊宴玉京也上學
之士修習是經殃注解脫皆即受度飛昇南
宮世人受誦斷絕凶穢死戶閉塞北都除殃
東華記名則延壽長年後皆得作尸解之道

魂神暫滅不經地獄即得返形遊行太空此
經微妙普度無窮一切天人莫不受慶無量
之福生死蒙惠上天所寶不傳下世至士齋
金寶效心盟天而傳輕泄漏慢殃及九祖長
考北山侍經五帝玉童玉女各二十四人營
衛神文保護受經者身

道言正月長齋誦詠是經北都除殃傳注速
寧為上世亡魂斷地逮役度上南宮七月長
齋誦詠是經北都除殃七祖超昇身得神仙
諸天書名黃籙白簡削死上生十月長齋誦

詠是經北都除殃壽益增昌為國王帝主君
臣父子安鎮國祚保天長存世世不絕常為
人君安鎮其方民稱太平八節之日誦詠是
經北都除殃萬彙蒙恩得為九宮真人本命
之日誦詠是經北都除殃落兆死名魂神澄
黃十
正萬炁長存不經苦惱身有光明三界侍衛
北帝司迎萬神朝禮名書上天功滿德就飛
昇上清

道言行道之日皆當香湯沐浴齋戒入室
東向叩齒三十二通上聞三十二天心拜

三十二過閉目靜思身坐青黃玄三色雲
氣之中內外翳冥有青龍白虎朱雀玄武
獅子白鶴羅列左右北都大神森然對几
降臨兆前日月照明洞煥室內項生圓象
光映十方如此分明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經無量度人願所啓上徹

無上三十二天元始上帝至尊几前畢

引炁三十二過東向誦經

元始無量度人上品妙經

黃十

七

元始洞玄靈寶本章北都除殃上品五氣度
人酆羅隱韻冥漠自然混洞元老无无上真
元始同生北帝高尊陰斗七元下統酆城羅
山巍我九府奠分龍漢祖劫北都六天青河

丹井雲門洞泉中有大神垂條龍巾攝制魔
靈善惡咸論考謫慘酷疏記罪名律禁奉承
無有不聞玄銅環牢海峙山根太玄鬼祖骨
肉為身同道變化龍伏風奔窺盜世法窮搜
業因遞種為殃永溺轉輪道有玉篇開宥靈
文無文不光無文不明無文不立無文不成
無文不度無文不生是為大梵天中之天
羅北臺黑山玄京上極高上玄羅浩清眇眇
劫仞若亡若存三華離便大有妙庭下極北
都三官羅豐魔洞鬼營火山寒池左淨右靈

太光梵炁周回十方中有北都除殃之神中
有北極黑帝靈君中有九天都禁司馬大神
中有注生定死北陰天君中有北斗司命司
錄延壽益筭度厄尊神迴骸起死除殃度人
今日校錄諸天臨軒

東方無極飛天捕魂神王長生大聖無量度
人
南方無極飛天攝氣神王長生大聖無量度
人

西方無極飛天殺鬼神王長生大聖無量度

人

北方無極飛天羅山神王長生大聖無量度

人

東北無極飛天巡虛神王長生大聖無量度

人

黃十

東南無極飛天定名神王長生大聖無量度

人

西南無極飛天都關神王長生大聖無量度

人

西北無極飛天監領神王長生大聖無量度

人北無極飛天簡奏神王長生大聖無量度

上方無極飛天簡奏神王長生大聖無量度

人南無極飛天簡奏神王長生大聖無量度

下方無極飛天除殃神王長生大聖無量度

人南無極飛天除殃神王長生大聖無量度

十方至真飛天北都除殃神王長生度世無

量大神並乘蒼虬巨獸飛蓋奔輪驂駕夔龍

玄角神虎建召靈之節耀景神幡前嘯九歌

齊唱後吹八音同鳴紫鯨玄羽嘯歌雍雍五

老啓塗羣仙翼轅億乘萬騎浮空而來傾光

迴駕除殃度生北都丞相豐城六宮總司主
錄除殃大神執籙把籍齊到帝前隨所應度
嚴校六天普告三界無極神鄉泉曲之府北
都羅酆三官九府十二河源上解祖考億劫
種親殃延禍種疾除罪簿落滅惡根不得拘

黃十

九

留逼合鬼羣元始符命時刻昇遷北都寒池
部衛形魂制魔保舉度品南宮死魂受鍊仙
化成人身身受度求劫無終隨劫輪轉與天
齊年永度三塗五苦八難超凌三界逍遙上
清上清之天天帝洞虛無色之境梵行

東方八天

太元都羅天

玄滋耀成天

玉寶超想天

論明極濟天

開物順真天

玉明朝始天

元陽耿化天

道光初華天

南方八天

帝閔閭齊宣

帝辟乾毒王

帝演剛隆

帝彥徒架枚

帝平雷判生

帝綿都勤鐸

帝敢霞羅於

帝篤夏義端

耀利宣真天

帝主軍繁來

四極廣晶天

帝皇度振什

帝樞圓寂天

帝律佑符玄

丹雲紀命天

帝忽延輔章

曆增元紀天

帝齒將比耕

還靈端神天

帝卜直希辛

混明委光天

帝濱嘉熙亨

道威崇虛天

帝蔣露聰喬

西方八天

籍度高明天

帝抱符器圭

昌慧資持天

帝闌緒稽時

維平智寂天

帝昭虎育明

素雲寶宗天

帝尸繼鬱景

普明度地天

帝末頂昆

舉仙鍊功天

帝柏曹堯儲

黃十

素神正矩天

帝蹈鈞隱洮

康祝運微天

帝洪元次胥

北方八天

玄丘總神天

帝盱邏伊房

變玄極真天

帝力可明俱

度靈廣時天

帝勃提維多

生真慶緒天

帝鎮咄匪盈

定光浮羅天

帝握瑤避須

密濟禳助天

帝術宣求衡

餘梨葆生天

帝安夷社辟

九清昌陽道化天

帝夜洋雲光

三十二天三十二帝諸天隱諱諸天隱名天

中空洞自然靈章北都隱韻梵化之音北都

之尊除殃之神北都真魔除殃之靈九聖十

真變化上清無量之奧深不可詳數落神真

普度天人今日欣慶受度北都除殃歷關諸
天請滅三途斬絕地根飛度五炁超神北都
殃種注胚除蕩無餘滅屍鍊仙名列太玄真
王監舉無拘天門東斗天蒼西斗天獄北斗
帝車南斗天機中斗黃屋五斗降神牛女交
黃十
宿符下北都除殃賜福青帝延年白帝斬精
赤帝焚祆黑帝北君建都羅山峙闕豐城臣
民萬億輸納帝庭主世罪惡除滅殃縈六天
使者巡察幽明黃帝中主護國安人萬神來
朝元始化身青天神王耀羅尸伯赤天神王

振矢騫石白天神王斬鬼破山黑天神王瞋
睛激電黃天神王倒海巨力五帝神魔萬神
之宗監領北都飛行鼓從總領鬼兵麾幢鼓
節遊觀太空九旗赫奕六天齊功除殃度人
嚴攝北豐神王受命普掃不祥羅天吐毒天
狼四張火丁前驅都帥仗旛毒龍萬文神虎
八衝敢有干試拒遏上真金鑿前戮巨天後
刑屠割鬼爽風火無停千千截首萬萬剪形
魔無干犯鬼無袂精三官北豐明檢鬼營不
得容隱金馬驛呈普告無窮萬神咸聽三界

五帝列言上清

元晦未明空無邊極晃空生氣風火爲石八
阿九周非知非識忽化蒼龍身長百億纏結
五柱自龍及康眇眇億劫混沌之中上海無
色下海無淵中海風澤洞虛包天金石堅剛
漸成碧圓六氣自行五運終天天上天下無
幽無冥無形無影無極無窮溟滓太玄遼廓
無光先生元始乃化北皇鼓鐵爲山鍊金爲
房刻玉爲樓九氣煥明乃號黑帝太玄元王
主治死魂斷注除殃萬鬼魔羣威鎮十方赤

明開圖運度自然元始安鎮敷落五篇赤書
玉字八威龍文保制劫運使天長存梵氣彌
羅萬範開張元網流演三十二天輪轉五色
周回十方旋斗歷箕回度五常三十五分總
氣上元八景冥合氣入玄玄玄中太皇上帝

黃十

十二

高真泛景太霞北都除殃殃爲罪種經劫不
亡消陰維何志詠洞章金真朗郁電火激焚
流響雲營黑憤萬軍玉音攝氣禍殃速避靈
風聚煙北都列言紫虛鬱秀輔翼萬仙鎮兆
一身泥丸百關斬滅邪殃靈府氣宣萬神同

會玉醴金樽千和萬合自然成真真中有神
長生帝君青華大帝飛羅九神太一司命桃
康合延執符把籙保命生根上遊上清出入
華房八冥之內細微之中下鎮人身泥丸絳
宮中理五炁混合百神十轉回靈萬氣齊僊
僊道貴生無量度人上開八門飛天法輪罪
福禁戒宿命因緣普受開度死魂生身身得
受生上聞諸天諸天之上各有生門中有空
洞謠歌之章真王靈篇辭參高真

四馬揚鑣

丹隨我輪

飛雲如旗

征此魔軍

北都闐闐

案牘紛紛

愚為業因

世植惡根

殃自根生

胡不爾悛

念道太无

委心帝前

身佩八威

金闕玉文

十二大神

為兆列陳

除殃北尊

乘駕鳳軒

我行太空

金廂玉轅

俯視九州

邈如深淵

大道之妙

非賢不傳

聞此飛空音

七祖升諸天

第二北都除殃司命之章

黃十

十二

通晨大冠

絳衣龍章

惟我上笏

司命之王

上帝之策

神璽之光

來降北都

蔭魁乘剛

嚴備萬神

侍書在傍

為世之人

生死尤殃

龍祈北尊

潔禱壇場

救命寶符

仰貯靈光

殃除福生

壽祿齊昌

永離八難衰

高升紫雲房

救世為真人

範唱流無疆

第三北都除殃北帝君歌曰

三十六萬里

北都羅艷山

上有夜光闕

下列九府官 陰陽生死曹 殃注停其間

世愚不念道 情欲相追攀 出身百年中

一往無再還 地獄由爾心 真境方寸邊

何不謝北都 默朝紫皇班 首露華爾情

天赦無留難 一身可得道 七祖超冥泉

殃注永斷絕 福來如轉丸 我歎生死途

萬劫囚幽關 刻志禮神霄 雲中仰金顏

此三界之上飛空之中真魔歌音音參洞章

誦之百遍名度南宮誦之千遍真魔保迎萬

遍道備飛升太空過度三界位登仙公有聞

靈音真魔敬形敕制地祇侍衛送迎拔出地
戶五苦八難七祖昇遷未離殃纏魂度朱陵
受鍊更生是謂無量普度無窮有祕上天文
諸天共所崇泄慢墮地獄禍及七祖翁

道言此二章並是諸天上帝及北都真元隱

黃十

十四

祕之音福佑生民消除殃禍有能起心祈向
斷絕注傳橫害不生真靈垂蔭一身得道七
祖昇真皆是大梵之言非世上常辭言無韻
麗曲無華宛故謂玄奧難可尋詳上天所寶
祕於高上神霄玉清玉府道君降聖按法以

傳若有至人齋金寶質心依舊格告盟道君
然後而付焉

道言夫天地運度否終日月五星虧盈至聖
神人休否末學之夫疾傷凡有此災同氣皆
當齊心修齋六時行香十遍轉經福德立降
消諸不祥無量之文普度無窮

道言夫末學道淺或先品未充運應滅度身
經太陰臨過之時同學至人爲其行香誦經
十過以度屍形如法則北都大帝玄滋天君
監領殺鬼嚴敕幽方太一回生司命注昌使

此形神固息含光魂神徑上南宮隨其學功
計日而得更生輪轉不惑便得神仙

道言夫天地運終星宿錯度日月翳昏四時
失度陰陽不調國境有災疫毒流行兆民死
傷師友命過亦當修齋行香誦經夫齋戒誦

廿四

十五

經功德甚重上消天災保鎮帝王下禳毒害
以度兆民生死受賴其福難勝故曰無量普
度天人

道言凡有是經能為天地帝主兆民行是功
德有災之日發心修齋燒香誦經十過皆諸

天記名萬神侍衛右別至人尅得為聖君金
闕之臣諸天記人功過毫分無失天中真王
亦保舉爾身得道者乃當洞明至言也

諸天中大梵隱語無量音 道君撰

元始靈書北都除殃玉篇

東方八天

暨桓乙遲 托圖延牝 盧須迎皇

迮羅紀清 璞化馘廣 娑賓雲承

緬洛义忽 猷郎匪京 諸變方定

益陀祖卿 藍首伽婁 亶迹墮昧

覺邦嬪廬

英玄指門

謁斗華溢

晞俞嶽素

南方八天

踴寤無忌童

炎臆赤功

紹元帝祺

今紀卷冲

蕘憫康洞

幾賢特隆

暉芒井圩

隸遭俞蒙

嬉云同宜

逸鎖由夷

爵恭韓延

王願預飛

便梵竒網

素誼謹儀

驛多斯靈

變茲溟池

西方八天

巴堂神禧

薦福典隨

驛洛規通

咽服梁窺

曆奔庚和

彌錢蘊微

造星車襪

回黃星微

僥正絕仰

徒姦報銳

越懋蕩宥

曹巖丘佃

卓頌堯甫

辨薜揚艾

紉資雲璫

黃十

十六

弼光迢泰

北方八天

晝謠瓊都

北君陰拘

勿淑令趣

碧駢謨符

洛道綿博

映陞乾秀

錠累布酉

拙傲晉酌

熾餅吳扶

烈命契斗

巒正悽極

動咸歌紐

轉霞綠網

凝天扁陽

吳投吉囉

薄辰侶祥

道言此諸天中大梵隱語無量之音舊文刻
書鄴城閣臺九阿之上使兆殃種不生爲道

正真逍遙無物字皆廣長一丈玄光真人昔
書其文以爲正音有知其音能齋而誦之者
諸天皆遣考察真官下觀其身書其功勤上
奏諸天萬神朝禮地祇侍門大功真王保舉
北元道備尅得遊行三界升入金門此音無

所不辟無所不讓無所不變無所不成天真
自然之音也故誦之致考察下觀上帝遙唱
萬神朝禮三界侍軒羣袂束首鬼精自亡琳
琅振響十方肅清河海靜默山嶽吞煙萬靈
振伏招集羣僊天無氛穢地無祲塵冥慧洞

清大量玄玄也

黃十

十七

元始無量度人上品妙經卷之四十

若





